

中國方志叢書·華中地方·第八三〇號

據

清·孟昭等修，黃祐等纂
清乾隆二十四年刊本

影印

江 西 省

建昌府志



成文出版社有限公司印行

建昌府志卷四十六

人物傳十

崔昊 劉大任 潘翹生 趙希階

有孟

黃官計

成常

彭期

父士拔
子立亮

魏匹休

楊萬里

湯來賡

弟來賡
鄧升之

何愷

子熙鳳
孫海

魯毓聖

何大綸

文

梅崧

丁誠叔

丁天漢

黃大綸

曾約朋

石鎮邦

何復漢

父上如
子人龍

吳龍炳

孔尚典

何日詔

族姪
之勛

劉天壽

鄧

保

何廷機

鄧鑾

何佳乘

子基
舊

饒廷俊

周承濂

黃適衮

黃中尊

于佑

鄧雯

鄒憲

曾邦棟

關而行

崔銘宸

弟銘
宸

郭思宗

魏悅

黃廷謨

鄧兆渭

兄兆洪

崔萬諧子伯勝

黃國瑛子疏秀 黃上功 吳搏姪渠

王紀 鄭繼言 劉凝 王啟 李日彰

羅美材 顏士玠 高大中 黃飛黃 羅榮

梅之珩 魯瑗父啟聖子京孫 鄧應角 潘大璘

黃遇 魯琰 涂綱 湯燦 湯其仁

李桃趙與羔 揭崇翰子斯祚等 鄒瑄子士揚土採

黃映美弟映鼎映紫 李長祚 黃湘弟禮 魏巽

章紹聖父元煒 王文佐 盧宗臣 鄒圖雲子洪四浣

胡銓 湯道燦 魏怡 黃大佑 魏震

魏慥 魏方泰 孔毓瓊弟毓功毓珣 蕭星拱

梅廷雋 何國材 黃嵩齡 鄧士攜 魏必大子嚴


魏文演 羅定典 聞 曠 劉萬程 劉萬秋

謝嗣元 李從龍 鄧凌遠 鄧士鐸 鄧廷相

傅有霖 魏定國 湯廷竹 劉 錯弟承道丁先揆

劉 霽 楊 城子尚鑾孫以澤 吳秉乾 揭 晨姪騰霄

余錫爵 熊文祥 劉開祥



建昌府志卷四十六

人物傳十

國朝

崔昊字秋旻南城人幼穎敏九歲能文爲人沉靜溫和風采卓犖先輩徐仲光蕭明彝並器之癸卯宜黃令黃運啟分校秋闈薦昊文第一不售後昊謁宜黃相與論天下事運啟嘆曰向祇謂失一文人今始知失一經世才也年四十二歿子仁懋能以善行世其家云

縣志徐仲光集

劉大任字公遜號抑齋南豐人康熙癸卯舉人出推官周仕二門周臨邑徵比逋欠大任力請曰愆之則民命糜爛緩之未嘗不辦周從之下其事於縣得少紓又郡牒行社長

社副之法大任曰昔日黨正之役每破家今幸永革而復
社長社副與黨正何異密白於邑令乃止

縣志

潘翹生字楚駟南城人幼穎異讀書不屑屑以制藝爲事嘗
讀韓昌黎文心嚮往之以其起八代之衰因自號曰起代
邑令苗蕃晉東名士也見翹生異之康熙丙午翹生以誣
繫獄蕃知其枉力請於郡守得赴試遂舉鄉試第一明年
丁未成進士授庶常庚戌分校禮闈察試卷不均之弊同
事皆震懼樊遂絕轉刑科給事在垣中言論侃侃持風憲
體有山右進士郭某手刃父仇獄成當論死翹生首疏其
事得減等未幾卒中外惜之

高志

趙希階字二徐號方石師璟次子康熙丙午舉於鄉授公安

令守下屬縣索例金階曰書生安所得募民以媚上官不
忍爲也日夕坐守行署門廡撿括文書投暮夜金者無由
進守恨甚然竟無如何邑濱江苦盜階下車卽假日者抵
賊巢談命因得悉其黨羽淵藪掩捕皆服辜斗湖決戶口
流亡相地築月隄亘四里捍之雨晴祈禱應如響百姓稱
神君任滿致政歸家居持正守約子爲僕從皆循謹無武
斷於鄉者所著有未遠堂集子與有讀書孝友人咸稱之省志
黃官計字肅宋廣昌人康熙丙午舉於鄉令楚雄有惠政與
兄官成官常第官灋官聯官叙並有文名人稱黃氏六官
官成亦以丙午中副榜後乃以年限爲歲貢訓導饒州常
亦歲貢灋與聯皆拔貢叙戊子鄉舉爲龍南教諭其子孫

卷之二
二
備載詩書世其家

彭期字彥遠南豐人父士拔寬厚謙謹尤篤于孝第期舉康熙丁未進士內國史院撰文中書以繼母病告歸色養備至居家數十年當事多世誼交好絕無私謁閉戶嗜學校刊小學四書集註又刻曾文定歐陽文忠集彙名人評點行世修學建橋助賑凡有益於人之事無不力倡治家嚴肅鄉評尊重年八十九卒子立貢生以醇慤著官浮梁訓導亮進士官肥城令以除盜安民著衮舉人

省志

魏匹休字上之廣昌諸生英敏有膽智喜任事持公論歲戌申山寇竊發井里奔竄休率鄉人築土堡爲防甲寅耿變毒首及建昌休先事度里地萬陀岩與水斗岩相表裏築

皆其黨團練鄉勇以衛里黨家故軍籍寄操歲應領運休
計廣祭產七百餘石運費賴以不匱族人德之後以領運
卒於通州子孫皆詩書科名世其家

李穆
堂集

楊萬里字鵬舉號圖南南城人郡庠生父早喪奉孀母讀書
十里外夜必歸省母病嘗糞又詣龍山祈禱願以身代病
遂痊復延二紀母歿居喪一遵古禮廬墓三年旦晚哭祭
服闋後祀之猶哀慟流涕里中呼爲楊孝子

縣志

湯來賡字載歌南豐人席父兄仕宦之盛而持身嚴正居父
母喪三載不飲酒食肉哀瘠過禮郡司李狄宗哲清釐軍
冊時久散佚來賡爲購求得之事賴以緝康熙八年貢成
均授鉛山訓導未任卒弟來賁博學工書以貢授教職不

就自號拙逸山人時同里鄧升之字民譽與來賡善其行

誼髣髴而仕遇亦差同云

縣志
近志

何愷字曰悌廣昌諸生磊落負奇氣值明鼎革間羅總橫暴
父與二弟相繼遇害愷不避艱險奔走流離卒能於亂軍
中稿負遺骸以墓陽石寇發郡守高天爵督兵進勦執鄉
人以爲賊將殺之愷力白其寃得活者數十人子熙鳳餘
干教諭有賢名孫海邑庠以孝友著稱

近志

魯毓聖字孕文號澹菴新城人康熙十一年歲貢任豐城訓
導自明季以來鄉邑文章競尚浮靡毓聖力挽頽波一歸

於正司鐸劍邑所造就多一時美材卒祀邑鄉賢祠

縣志

何大綸字掌臣廣昌人父寧執親喪以毀卒大綸有勇畧歌

逆之變避兵晶石晶賊攻急衆皆欲走大綸止之夜總兵
下從間道團練鄉勇與賊相持十餘日賊解去後避西遷
東獨力團練東鄉九里長關鄉勇互相防衛凡遇一里寇
至八里爭先救護自後逆賊不敢窺伺民賴安堵椒邱集
燬於寇大綸與從叔蒲城更爲鋟板以行以貢授司訓未
任卒

梅崧字子翰南城人少與鄧昊並從汝上李止甫學讀書過
目成誦甫齡齒補郡弟子員爲人溫溫容順乍接若不習
寒溫然縱談古今事精氣四射或命客抽架上書歷覆之
如谷應聲所著詩古文甚夥時輩數稱之無何燬於火藏

書萬卷俱燼遂以憂憤成疾而卒

類伽園集

丁誠叔廣昌人氣質篤厚而達於事體與李仲闇謝秋水講明義理之學最嗜程門主敬錄冠踞陽石害及郡縣誠叔稔悉賊情乃議聯絡鄉勇清保甲覆奸宄富者效貲貧者致力智者出慮而董其事於官民始有以保家室及郡守高天爵征陽石諸鄉勇羣起爲犄角卒滅賊由誠叔倡之

也
鄧義軒集
程山文稿

丁天漢字雲章瀘溪人任俠有英畧甲寅之變官兵駐瀘者萬人天漢度賊破有日婦女被掠者入軍必指爲賊婦先期簿列姓氏上之全活甚衆賊投誠者屯田闡瀘之界倡彼特甚天漢遍籲大吏盡撤去邑人始安

縣志

黃大綸字台仙新城人幼失怙常牽母衣袂問父安在母告

以早世輒啼號不已康熙甲寅耿逆變同第大緒爲賊所掠跪請釋第以杼寡母憂情辭懇切賊感動盡釋之有邵武何某迫於饑攜女來鬻詢知爲世家女贈以金勸令歸養擇配其生平盛德類如此延師課子脩極敬禮子培任乾隆丁巳進士孫福巳未進士皆官知縣贈大綸文林郎曾約朋字介峰廣昌人康熙十三年耿逆擾寧都困石城約朋以千總領兵征勦奮勇當先湛田之戰僞總兵謝思禮率兵將千餘人大肆擄掠約朋止帶數十部兵堵禦石人隘與賊相遇斬賊數級賊憤甚四面圍攻礮弩齊發身受數鎗馬蹶復易直抵賊巢斬僞守備董某餘黨潰散安親王督師江西調委恢復又隨提督許貞征廣信賊姜拐子

楊一豹又同宣義將軍尙攻勦岷石賊寨陞陝西延綏宜

君營都司

近志

石鎮邦字良柱瀘溪庠生乙卯父遭寇劫鎮邦破產冒刃以贖賊心未厭欲留之鎮邦抱父慟哭賊義而釋之

縣志

何復漢字楚玉廣昌諸生父上如讀書高隱著述甚富復漢年十二而孤奉母氏搗舌耕以供菽水卒塋石黃岡廬居墓側旦夕哭奠已閱再期適耿逆叛居民悉逃竄復漢不知也有賊毀其廬而挾之走得免於寇及卒相國李安溪銘其墓子人龍字雨民辛卯解元癸巳進士翰林院檢討天性孝友居官清廉辛丑分校會試所取皆知各士後改

禮部郎中致仕卒

省志

吳龍炳字麟文南城諸生康熙甲寅避亂深山中寇至失
母所在曉夜走覓遇寇執之擲岩畔下體無完膚茹木實
得不死尋獲母負而逃復被寇擒憫其老而釋之里中稱
爲吳孝子年七十歿

縣志

孔尙典字天徵號汶林新城歲貢生爲文卓犖縱恣不受繩
尺鄉里皆以爲不諧於時獨易堂魏禧奇之深加獎許因
受業學爲古文遂稱易堂高第嘗歷幕府諸所贊畫皆酌
古宜今卓然可觀生平著述甚富今所傳文集數卷皆經
禧評定者也與尙典同學於禧者有族人之達達字用儀
文行皆可觀甚爲禧所稱許

縣志

何日詔字君用廣昌人少孤事祖孝雖嘖笑言動未嘗或違

其意事母亦然爲諸生數十年無貲行以勤儉率第一門之內雍雍如也所著有禹貢集說孝順事實爲善陰鳴等書年九十一族姪之魴有聲庠序尤練達以孝友稱

縣志

劉天壽字介台南城庠生事繼母稍拂意卽跪泣終日甲寅兵定後募掩遺骸數十羣從無依者招與同居兄弟合爨四十年友愛至老不衰又劉師賢郡廩生性至孝母患喘疾二十年奉事弗懈所著有詩文三卷

縣志

鄧保字定公新城人少警慧善屬文有膂力敵可五六人康熙寅卯間草寇李懋珠掠新城父顯卿弟節公被執定公往代令父弟出辦餉時亂離經二載家財蕩然父弟出無所得定公繫賊所拷勒不釋乘賊不及防投井死

縣志